

Rheintaler - Rebschter Körnli: Coiffeurleiden und Bierfreuden



Rheintaler - Rebschter Körnli: Coiffeurleiden und Bierfreuden

Wegen Corona haben die Rebschter Obervögel ihre Schnitzelbank "Körnlibank" via YouTube verlesen. Hier drei Müschterli daraus zum Gluschtigmachen.



Peter Siebers Problem

Da Busch fluechat bim Schaffa über d Maskapflicht. I Dä Lumpa vor da Schnora nimmt ihm bim Hoorschniida d Sicht. I Da Peter schaffat drum no konzentrierter, aber er isch kriidebleich I und endlich, för eimol im Jahr, kunnt us sim Muul kein Seich.

Übernahme eines Kunstobjekts

Alli Hüser hönds wella mitara Schnur verbinda, z Altstätta oba; I däna Möchtegern-Städter hätts wohl s Hirni a chli verschoba. I «Altstätta verbindet» hät gheissa da speziell Kunschtprojekt, I doch wäg am Geld isch d Realisation bös abverreckt. I Üsa Räbschter Gmeindrot überarbeitet das Projekt drum neu: I Statt mit Schnüer, verbindid mer d Hüser mit ara direkta Leitig zu da Sunnabräu.

Not macht erfinderisch

De Arnold Graf, Sunnebräu Patron I mues uf Valens i d Kur noch ara Knü-Operation. I Sini Frau muas ihm Bier ufe schmuggle im Kleidersack; I damit s nöd uffallt, gits halt leider nu drü Pack. I «Da langed doch niene häri», schimpft de Bier-Spezialischt. I Doch i da Not wird da Sonnenbräu-Pensionär erfinderisch. I Er muss aber Abstrich macha bi da Qualität, es verriisst ihn schier. I So streckt er jedes

Glas Sunnebräu mit eme Schluck Schüga-Bier.

Hinweis: Die ganze Körnlibank kann man nachschauen auf www.raebschterdorffasnacht.ch, die Körnlibänke früherer Jahre nachlesen auf www.obervogel.ch.

[Link zum Pressebericht](#)